

貴縣志卷二

社會民族 姓氏 戶口 方言 風尚 生活狀況
婚喪 節令 娛樂 歌謠 宗教 社團

民族

貴縣於秦曰桂林郡漢曰鬱林郡即古布山縣治開化最早置郡以還苗蠻遠跡人稀地廣漢族來居互通婚姻於焉墾闢其久居者或譜牒失傳遂從土俗其新遷者則田廬相望各長子孫咸曰梓桑無分爾我既風尚之不異實種族之相同昔尉佗生於華夏乃效越風孔穿雖去鄉邦不忘禮器守常達變於古有徵今縣屬語言大率獞話客話與普通語雜然並行各適其適於以見遷徙之廣不限於一隅而語言之殊乃因於所習也李志載縣有狼兵賦有狼額今則田賦統一人亦同化又云土族代有占籍多山左與江左之族今攷縣屬民族來自粵閩魯贛湘鄂者為多

貴縣志

卷二

社會民族姓氏口戶

一二二

姓氏

梁志云貴縣土著惟農黃覃鄔韋各姓餘俱外來占籍概稱為土人而於粵東惠潮嘉遷來者均謂之來人即客以其離故土而不變鄉音也今徵諸各姓譜系則黃覃等姓亦多外來非皆土著如思籠二里東學村黃姓則自宋淳熙間徙自粵東上石龍黃覃韋三姓則概於明代遷自閩粵足為例證縣屬姓氏約有數十其中以覃韋黃李劉梁楊諸姓人口較繁鄱沙洗封翬殷禡果召聶吉宏諸姓人口略少

戶口

舊志載縣屬三十五里原額戶口九千一百四十四戶該人丁一萬一千七百八十八丁三分三釐除荒外尚實存戶口三千八百二十八戶該人丁五千八百三十四丁五分六釐八毫二絲丁從米起也李康熙五十五年六十年雍正四年乾隆元年六年十一年十六年編審滋生

增益人丁貴縣共一千零一十三丁俱欽奉恩詔永不加賦光緒二十年訪冊貴縣實在男丁一十七萬五千五百七十七名婦女一十五萬一千六百五十二名梁志

民國十七年調查戶口全縣人口三十二萬餘人二十年調查戶口全縣人口三十五萬餘人二十二年調查戶口綜計八萬二千零零三戶男二十一萬九千一百一十六人女一十八萬零一百九十人綜計三十九萬九千三百零六人現居本縣者男二十一萬四千一百五十四人女一十七萬九千九百二十八人旅居縣外者男四千九百六十二人女二百六十二人其中僑寓外國者約百餘人歷次調查戶口以二十二年調查者較為詳盡表之如下

貴縣志

卷二 社會戶口

貴縣戶口表 民國二十二年編

區別	鄉鎮數		甲		人口總數		學童	壯丁	廢疾	現住	他往	職業		教育程度			曾受刑處分者
	數	鄉	數	戶	女	男						有	無	高等	中等	初等	
城廂區	二	二	一〇五四	一〇三三九	二九七三	二五〇五	三七七三	一八五〇	一八九	二八九二八	七八五	一六六五	五九一	一一二	三三三	一六八九〇	三九
橋墟區	三	三	一一七九	二八二五	三三六五	二五〇五	五七七三	一一八〇	二四九	二〇九三二	一七一九	一九六四三	二六〇	四五	三〇〇	一三八六四	二六
木格區	一〇	九	八二七	八三四七	二二五八五	一八五四	二四六一	九二七二	一六九	一三〇七五	五二〇	一四六四	五〇八	四九	二〇〇	九〇二四	一一
木梓區	一五	一六	一一四二	二六二六	二七〇四〇	二二〇四五	三九三七	一〇三六六	八八	一六七六一	二七九	一八二三四	四八八七	一	一〇	四六二	二
單塘區	一一	一〇	一〇八六	二〇六二	三〇八九	二五九五四	五八八六	七三三	二七	一九九三六	一五	一六〇〇五	七八一	一六	五四四	九九八五	一六
樟木區	九	八	七六四	七六九三	一六五八七	二〇四八一	二五九五四	一〇九三	五八	一六五八四	三	七五八一	一八三四		四八	七七〇二	二二

計	總	大坡區		東龍區	
		女	男	女	男
九〇	一〇	一〇	九八	九二〇	九五六四
八七四	一一六	一一五	一一五	一〇五七	
八二九七					
八二〇三					
二九九〇六	女	男	二八二〇七	二二四二四	二八二五〇
一八〇二九〇	二二九一六	二四三〇八	四一七五	二七三	四五八六
五七七八四	二二七四八	三五〇三六	三三八八	二七三	四九七三
七九五五六		七九五五六	一〇六六四		一九九
二〇六三九四〇八二	五〇五一七九九八	六〇二二四一五四	四八	二二二	二七八四七
五三四二四〇六八	二六二	四九六二	二四二八五	二七三八五	四〇三
二〇七九〇二九	九七六四一	二六四二七	二二二七九	一五五四四	一五五一七
二〇七九〇二九	二九八三	七八〇七七	二五四	九三	三五三
一九六	一〇	二八二一八七九	一三三	一三三	一〇
八七〇五八	三七	八四六四八	一〇九	七九七二	一五〇
一六三	六	一五七	四	一	一八

全縣人口密度

縣屬土地面積一萬五千五百一十五方里

第一回廣西年鑑載

貴縣土地面積一五、五一五舊方華里二、三四二新方華里五、五八五方公里 人口綜計三十九萬九千三百零六 民國二十年調查 平均人口密度每方里約二十五人

方言

貴縣界於桂橫興鬱賓武遷永來及粵之合浦諸縣間以地域關係其方言亦與檳海語系之粵語為近既不似桂平之多唇齒音復不似鬱林諸縣之多舌前音自為風氣音多双唇而南北無閱易於倣效故縣

貴縣志

卷二 社會方言

一二四

人旅外或從事懋遷者朋儕交接率能別操方言李志云風氣輕峭音亦類之和平可聽與官話不甚差謬梁志云貴人無論說某音均是我就人斷無人就我官語固也即各處土音無不皆然城廂與各里之方言發音清濁輕重亦間有微別如火庫課過等字香江人讀之為唇音而城廂則為齒音故香江之語音較重濁而城廂較輕清又木梓方言多用舌尖音與喉音懷西輕清而懷南重濁如讀文如墳使如死方如豐識如昔國如廓麻如磨皆是至於客話撞話或語存古義或音屬轉變皆各有淵源顧客話之中仍有差別就橋墟而論則有潮州音梅縣音陸川音鬱林音河源音之分撞話之音義與普通語亦不乏從同如讀書仍曰讀書習字仍曰習字皆是其義同音異者如山謂之巴水謂之凜我謂之高爾謂之蒙皆其例也貴縣方言小箋一書梁盧 著 嶠彙集縣屬城廂方言或溯本源或明音轉摘舉於次藉以發凡

馬龍夸 俗謂螳螂爲馬龍夸夸讀平聲按凡物之大者古均稱爲馬植物則有馬蘄馬藻馬棘馬蓼均見爾雅注動物則有馬蝟見爾雅馬虻見爾雅猶稱爲馬蟻 方言之馬龍夸馬當訓爲大龍夸卽娘字之切音猶言大娘也

龍虎 俗謂虎爲龍虎按凡物之以戎龍鴻爲名者皆有大義見爾雅俗稱虎或曰老虎老亦龍之轉音

琴廬 俗謂蜘蛛爲琴廬克巖切如琴廬殆爲勤羅一音之轉按蜘蛛卽知織之轉音見物名溯源知織勤羅義同而音異者也

馬騮 俗謂猴爲馬騮騮爲猱一音之轉猱奴刀切猿屬按凡物之大者古均稱爲馬見馬龍夸條故大猴曰獼猴見爾雅注又曰母猴見說文又曰沐

猴見史記獼母沐皆馬字之轉音馬騮猶言大猴也

吱喳蟲 俗謂蟬曰吱喳蟲按爾雅蝻娘蝻郭注引夏小正注曰娘蝻鳴五采具說文云蝻蟬也方言蟬楚魏謂之娘蝻案蟬爲總名蝻亦爲總名又爲娘蝻之專名今此蟲入夏而鳴所在多有順天人謂之唧嘹淮南人謂之遮留或曰支留或曰蛄羅山東謂之蛄螻均肖其鳴聲以製名

黃蚕 俗謂蚯蚓曰黃蚕按爾雅螾蚓黃蚕卽今蚯蚓轉音則爲螾蜃又名蜃爾雅郭注螾之轉音爲螾廣雅又轉音爲蟾今或呼爲曲蟾貴縣則呼爲黃蚕黃者肖其色蚕本音腴方言讀如鸞之上聲殆卽蚕之轉音

白蕭魚丕 俗謂小魚曰白蕭魚丕丕俗字讀如擬平聲不大也與兒字同義古謂魚之小者爲白小小蕭聲近丕字兒字音轉

緊 間也方食曰食緊方行曰行緊又助詞切記曰記緊費 語言無當也

宿 食物陳舊味惡也

絳 如此也俗讀如格漾切蓋個樣二字之合呼猶不可之爲叵何不之爲盍矣

風尙

貴州土風尙質不事華飾不工機巧趨利力耕爲業不產蠶絲蓂爾之區閑田瘠土茅葦相望而無原隰膏腴之地俚人質直重貨輕死以富爲雄

方輿勝覽

貴縣風尙樸素不機巧取利士多志學雖貧亦延師教子

懷澤志

三代以前政教不通秦徙中縣民雜處西甌漢吳興學公紀迪教於鬱林歷唐及宋至元土族代有占籍父老相傳多山左與江左之族云以故城郭之美悉同中州婦女非歲節大事不見家翁伯叔所事惟紡織刺綉剪製少事蠶桑日用資費藉穀價貴賤爲豐殺

李志

貴縣志

卷二

社會方言風尙

一二六

風土溫厚人性淳樸四廂各郭衣冠循禮重廉恥尙文學男子勤耕讀婦女守壺範服飾多儉素凶荒亦無乞丐

梁志引通志

按縣屬有郭東郭南郭西郭北各里故曰各郭

讀書與耕種並行雖窮鄉僻壤亦有書館懷澤志稱雖貧亦延師教子信不誣也然讀書多習時藝志科名講求實學者少列名庠序貧者專以教讀餬口其或幸博一衿橫苦鄉里者衆皆不齒

婦女在室者縫紉外兼操井臼在田者餉饁外兼執耘鋤居城廂者雖富家大族亦不辭井臼縫紉之事

市井小民亦講氣節長隨乳媪餓死不肯爲貧家婦女傭工以日計惟分秧打稻而已男子傭於人家者祇可短衣作水火伙或主人有宴會予以長衫緯帽使侍立則倖倖然去之所餘工價亦弗暇較也故肩挑者皆土人肩輿者皆外縣人其語音可辨也

以上梁志

生活狀況

生活狀況隨時代而變遷今昔異同足覘演進茲就衣食住行分述之
衣 清光緒中葉以前衣料多用土貨縣屬比戶紡織砧聲四徹

梁志云婦

女織布自染自春秋深村落砧聲四起丁東可聽

一絲一縷多由自給於時以服自織布爲貴布質

密緻耐用平民一襲之衣可御數載光緒季年衣料寢尙洋貨卽線縷巾帶之微亦多仰給外人迨洋紗輸入而家庭紡績之工業遂漸消滅今欲於鄉村間覓一紡車幾不可得矣一般衣服今仍以布帛爲夥但品類多屬外來居城市者間御紗綢呢絨龍山石龍諸處服用自織布習尙未改第紗非由自紡耳衣色尙黑藍次之

士民服飾在昔束髮裹幘峨冠博帶自滿清入主變易漢族衣冠辮髮胡服垂二百餘年民國紀元剪除辮髮城市復間尙西服日常服式初由寬大而趨於狹小已復由狹小而趨於寬大

貴縣志

卷二

社會生活狀況

一二七

清代上戶婦女衣袖及襟多尙鑲邊光緒季年此風漸殺革履短裙女服一變民國十年後去髻截髮改御旗袍女服又一變惟鄉間婦女服御仍多樸素截髮者稀舊俗婦女入市必戴笠笠製畧如廣東欽廉一帶之東坡帽但不加布帷

食 米粟薯芋爲縣屬食料大宗上戶每飯必魚肉烹調精良中戶飯食不缺蔬多而餚少下戶以粟粥薯芋爲主要食品間亦炊飯一般農民多屬下戶勤勞而菲食饗殮外佐以早晚二粥其他雜糧小食比戶皆有惟非常品捲菸汽水餅乾牛乳之屬清季始漸輸入迄今日盛城市居民消費較多

饊縵餅餌粉餠糖飴節季所尙婚喪欸客例用十簋而豐嗇不齊食品之著者爲城廂悅心樓之糖果餅食和源之醃漬醬品

悅心和源均商店名

龍山

糯米糍香江角黍

俗名灰水粽

薄餅

一名芝蔴餅

五十年間米油價變遷表

據當時普通物價平均計算
其一時特別低昂者不載

年份	米重量	價銀	花生油重量	價銀
清光緒十年	一百斤	銀九錢五分	一百斤	銀四兩二錢
清光緒二十年	一百斤	銀一兩五錢	一百斤	銀六兩
清光緒三十年	一百斤	毫銀一兩八錢	一百斤	毫銀十兩
民國三年	一百斤	毫銀四元二角	一百斤	毫銀一十六元
民國十三年	一百斤	毫銀五元四角	一百斤	毫銀一十九元
民國二十三年	一百斤	毫銀六元五角	一百斤	毫銀二十三元

按民國二十三年秋百物價忽低賤米百斤四元油百斤約十七元為近年所僅見

住城郭多華居各匠悉用外江者按康熙初鮑濟修武當廟碑末尙刊有湖廣木匠石匠姓氏今用粵東匠人材

貴縣志

卷二

社會生活狀況

一二八

料為鐵力梓楠等木

按今附近不產此木人稠材竭也惟用柳江大杉木九懷合浦小杉木梁志引李志

縣屬屋宇隨貧富而殊下焉者茅舍竹籬上焉者青磚窰磚之俗稱大廈鄉

村市集間則以泥磚土垣平房覆瓦最為習見城市屋址類作長方形農村喜建斜廊邑人近多能操鋤運斤即築造巨室借材異地亦漸稀少清光緒二十四年匪風日熾村居多建碉樓以資防禦自是寢成風尙民國以還學校公廨建築每仿西式至浮家泛宅短篷高桅者則類屬漁戶為數無幾

行 貴縣幅員廣闊鬱江橫貫津渡相望涉濟以舟陸路有竹轎獨輪手車於昔為盛牛車則田家今猶多備之清光緒二十四年始通汽船水路交通益便民國十四年闢汽車路嗣是代步器具日趨精良汽車脚踏車之數與年俱增民國二十三年興築桂貴汽車路及各區鄉道行旅往來更多便利

清金虞貴縣道中見牛車捆載渡江詩 梁志
北馬南船萬里程陸多銜概水多驚蠻鄉風物真奇創轂舩車兒翦浪行

婚喪 附生壽祠祭

婚姻門戶欲稱同姓不婚先以媒妁致檳榔問名次致檳榔釵鈿之屬納徵曰下定於時女家以檳榔送六親將婚先請期致檳榔羊酒曰報日至婚期用金花表裏攢盒豬羊鷄鵝檳鄉茶酒婿必親迎母氏送女至婿家申敬戒之訓禮成而返謂之送親交親詰朝女家餽茶果鞋履新人拜見翁姑親屬三朝謁祖婿備攢盒羊酒偕婦歸寧女家父母宴之於堂親族各以金銀相贈謂之三朝上門禮据李志修

按母氏送親交親之禮久已無聞梁志云貴邑士夫家婚儀倩媒問名納采請期迎婚皆如禮惟不親迎耳是清光緒間婚禮與昔已稍異又云親迎禮惟九懷里富家不廢城廂間有行之今三里木梓婚禮亦間舉行親迎是又未可一概而論也迎婚儀仗有銅

貴縣志

卷二 社會婚喪

一二九

鼓二鼓圓心凸起如覆盃以受擊聲清濁相應

冠禮雖久湮然貴俗率於婚日以紅箋書新郎之字懸之座右尙存冠而字之之遺意婚前一日婿家備簪珥用紅盒送至婦家請加笄謂之開臉附城喜用染色檳榔自問名納采至請期皆必備具至豬羊酒果則稱其家以爲禮郭西各鄉較儉樸有以一牛一車相迎不用鼓樂者迎親送親往來均藉媒妁婦初至門婿揖入夫婦交拜洞房行合巹禮次晨行廟見禮謁舅姑尊長及盛屬並奉糖果檳茗或奉巾履曰拜茶禮畢即回門是午女家設筵宴婿詰朝婿再至翁婿乃相見鄉間亦有遲至旬日外或屆年節始回門者三朝新婦入厨修婦職據梁志修

接近日舉行舊婚禮者婿初詣婦家即謁見尊屬與舊志所云詰朝婿再至翁婿乃相見畧殊至禮重檳榔則仍沿舊習檳榔以朱色染之佐以餅餌酒果餅上有龍鳳花紋者謂之龍鳳禮餅城鄉

間禮品不盡從同大率城市趨於繁重鄉村則較簡約又回門之

禮城廂多備金豬

俗謂燒烤之全豬爲金豬

女嫁前三日必哭詈媒妁謂嫁期爲死期以爲愈哭詈則愈鼎盛此亦俚俗之不可解者哭嫁時並以詞告別祖宗父母兄弟姑嫂姊妹而諸女伴亦以詞和答之府志今哭嫁之風已改革即有行之者亦多屬怨別之詞

比年風俗改良童養媳較少間有貧家未革舊習童媳入門僅略具聘金酒肉餽女家而已亦有憑媒說合嫗負童媳至壻家行謁祖禮卽日仍歸母家及笄乃至壻家合卺者俗有大娶小娶之稱蓋以成年未成年判之也

早婚及父母爲子女定婚之俗昔頗盛行今已寢革

民國十年以來新式婚禮漸多仿數儀式頗簡或開茶會以欸來賓

貴縣志

卷二

社會

婚喪

一三〇

死者殮時衣冠必整齊旣殮其子若孫衰麻不去體大殮畢設祭延僧唵經名落枕齋早晚哀號謂之哭靈虞祭有七始曰頭七富者烹羊烹羔貧者亦備葷素菜五服內各服所服與祭親屬咸集大族多遵三月而葬之禮貧者速殯亦須旬日外殯前一日邀親友茹素次日咸來送殯謂之送山喪家仍備筵相款惟不速客農家殯期族鄰皆至椎牛款客佐以黃豆席地而食食畢而殯自執事以至輿櫬皆親鄰互相爲役梁志原按遭喪燕賓本干例禁况恣殺生物實予亡者孽過尤非子心所安昔程氏之喪司賓以弔客索酒告程子曰不可以無禮處人若爲充饑權宜可用素菜近聞瀉甯余月潭先生由孝廉官州牧卒之日遺命茹素治喪善哉旣體仁又崇儉願治喪者倣而行之庶幾同俗而不徇俗也

親友家婦女弔喪衣服樸素並去簪珥至喪次歷溯生平隨口綴成韻

語而哭之。主家婦女亦號泣於旁，謂之陪哭。及送殯，則以麻布兜覆首，行至半途而返。至親者乃蒞葬所。據梁志修

葬必擇地，因南方地卑土薄，非水即蟻，不得不慎。然合期即葬，絕無多年停柩者。辨地氣而不泥風水，尙爲近理。葬數年後，或驗其墓旁封識

用瓦罐藏紅布及穀

不佳，則檢骸易葬，似爲陋習。梁志

喪事，士夫家行文，公家禮不作佛事。李志

喪事不用浮屠，向聞城東孝子

里，惟然。今亦漸移於習俗，惜哉。先正遺風不復覩矣。梁志

比歲城廂居喪

者，營齋追薦之習已革。惟村落間或偶見之，初葬於冬至前，墓祭謂之攔冬社。日前墓祭謂之攔社。

生子請親朋聚飲，必佐以薑。曰：飲薑酒，親朋各餽鷄米。外家備小兒衣

冠，鷄米、紅蛋、紅薑、花生洗兒錢，以贈遺之。李志

俗例飲鷄酒一事，恣殺生

物，積習洵宜力除。女初生子，其母卽邀妯娌戚鄰聚飲。壻家曰：飲恭喜

貴縣志

卷二

社會塘喪附生壽祠祭

一三一

鷄酒，或三朝或滿月，必盛備衣飾酒果。鷄米以爲禮，旣以巧相尙，又以多相誇，計成一襖一帽，非十日女紅不辦。鷄雖百翼，不爲多務。極侈靡，罄畢生私蓄，弗悔也。壻家再設筵，相款曰：請鷄酒。邑人羅宗含，貴縣竹枝詞，有云：三朝親戚來，恭喜白米黃鷄酒。一肩蓋卽詠此。據梁志修

子生週歲，祭告祖先，延親屬宴飲，或有請道士保安，寄名者取經書、筆、墨、金銀、琴劍等物，置之兒前，任其自取，以覘壯志。名曰抓週。

賀壽小則蘋蘩水藻之儀，大則開筵演劇，盡賀客之歡。名曰食回頭生日。

巨族有祭田，子孫輪值供祭祀。四時忌日，中元皆祭。新喪有七祭，殯後祭主服闋，主乃升龕。至清明及十月朔，復有墓祭。以上李志

其族立祠堂，有祀產者皆於冬間集族中，長幼舉行祀事。至若年節忌日，則各祀於家，未立祠者，凡祭皆在廳事中。俗名香火堂蓋卽古所謂寢薦

也據梁志修

節令

元旦夙興祀祖長幼以次稱壽遲明出賀親友酬酢凡數日市亦漸罷
新婚家以米花米餛粉果相餽謂之送茶親朋亦然據李志修

元宵城市通衢燃花燈結彩門各競華麗好事者玩龍燈舞獅子競火
鼠燒花筒鼓吹管絃歌唱徹夜曠處立鞦韆競賽伎巧各坊里社聚會

掛花燈飲燈酒初十日爲始號上燈至十六日止號完燈又新娶婦之
家初十日女家必備米果花燈點綴麒麟龍鳳故事送至男家謂之送

燈以兆弄璋之喜李志李送燈今祇行於求嗣之家親友送此爲宜男之兆

又俗例於懸燈各社壇掇取燈綉命老媪送至親友艱於子嗣者作吉

兆名曰送燈帶梁志元宵觀燈作樂久無昔日之盛生子之家舊俗於上

燈日懸燈社壇今已寢革

貴縣志

卷二 社會節令

一三二

上元夜俗例婦女入人園圃摘蔬菜名曰採青蓋取一年清吉之兆園

丁亦不禁據梁志修

春社二月上戌日縣官祭官社城廂居民則於初二日釀錢市酒肉祀
各坊里社少長聚飲申約告誡乃散村落祈穀亦然秋社舉行如春社

據李志修清制知縣於春秋社日秋社八月上戌日祀官社立春前一日迎土牛芒神

於東郊七月十四日十月朔日祭厲壇民國後均廢

二月初二日城廂人民羣集坊社放花炮大者高丈餘小者尺許以竹

爲炮架糊以花紙有頭二三炮諸名目中藏綵環炮轟環騰得者謂之

得炮頭會主以鼓吹儀仗送鏡屏至其家翌年及期別備屏炮以金豬

鼓樂送至社前謂之還炮近年社壇大都毀除已無此舉

清明日折柳插門左右孩童亦間插鬢邊以糯米炊紅藍飯紅藍草名葉似藍草取汁

炊飯故名青精飯以楓葉搗汁漬米炊之杜詩豈無青精飯令我顏色好家家掃墓是日大族有祀產者其祀

遠祖墓或至百數十人祀畢席地食餽餘分胙乃散嗣按世系同往省墓已乃各祀其祖若父之墓麥飯豚蹄豐嗇稱其家亦間有用豬羊者祭墓至穀雨而止貧富皆然蓋時將及夏原野之間農家於是日禁火卽禮記無用火南方之意也

四月初八日浴佛節預採各種香草樹葉合糯米春粉製餠曰藥餠祀藥王畢老少分嘗俗稱解時氣

以上據梁志修

端午日門旁插艾葉菖蒲闔家飲雄黃酒小兒繫硃砂符姻戚裹角黍相餽競賽龍舟縣官出觀賞賚獲勝者謂之奪頭標

據李志修

是日家家以肉膾糯米實苦瓜中爲餚故或稱苦瓜節午時祀祖以雄黃酒徧灑堂奧婦女翦綵製雞猴等物爲兒飾端午前恆見鬻諸市間

參梁志

六月六日曝書籍衣服以辟蠹鄉村或宰牛豕祀神以保禾稼

李志

貴縣志

卷二 社會節令

一三三

七夕女子備酒果祀牛女星以乞巧

李志

水中熱毒者每以之調藥

據梁志修

七月十四日中元節具牲醴新米飯祀祖自初十日起每日三上食至十四日焚楮錢以資冥福豪富家父母新喪輒建目連齋

李志

以初七日爲始餘以初十日或二十三日爲始至十四日止亦有僅

於十四日行之者是日家家烹鴨祀祖多則數十翼少亦數翼又紙裹楮錢等爲若干包各書祖考妣或考妣名諱姓氏祭畢焚於庭女既適人若父母已歿亦於是日備楮錢冥鏹等裹紙爲包佐以鴨及豕肉粉餌送母家謂之燒包或曰送包十四夕人家別具酒食楮帛祭於門外

曰施幽

據梁志修

七月初一日起至三十日止城廂盂蘭盆每街每社各一會依次舉行一夕或費三五金或一二十金不等賃綢衣人物琉璃燈色爲點綴延

黃冠設水陸壇場薦幽祭厲鑄鈸管弦之聲四徹志梁 民國以還已無盂
蘭盆會

中秋戚鄰互餽月餅糖果賞月燃柚子燈茉莉燈爲樂志李 開筵釀飲無
厚味僅煨芋魁炒落花生設果品而已志梁

重陽俗祭北山石牛神各坊社椎牛逐疫親朋相邀備酒果登高志李 按
祭石牛神及逐疫之舉久廢

十月朔家祭掃墓如清明禮行之者居半志李 粵西叢載云十月初一製
楮衣焚之墓謂之送寒衣今漸革

冬至節以米糴米糝互相餽送不行賀禮志李 炊黍釀酒藏之曰冬酒志梁
小年夜臘月二十四日今用二 具糖飯酒果紙馬或備牲醴祀竈掃除

屋塵以示更新志李 按祀竈俗稱送竈府志引宋范成大詩云古傳臘月
二十四竈君朝天欲言事雲車風馬少流連家有杯盤豐典祀

貴縣志

卷二 社會節令

一三四

除夕貼春聯掛門紙祀祖燃爆竹謂之封門是夜長幼咸集燃炬盤桓
達曙謂之守歲炊糯飯治壺觴以備元日宴客志李
民國紀元改用陽曆曩昔節令所尙日趨改革惟田家仍以節氣爲農
時

清林文度貴陽竹枝詞 五首之四
竹籃篋子手持記是龍華浴佛時百樣藥苗都採取團團作餽供天醫
城心不住住城隈入市何妨日幾回認得擔頭荷葉飯村人早已趁墟來
重陽鄉市各紛紛鉦鼓行儺到處聞逐疫成群還祝社一壺清酒醉桑粉
農家終歲暇無多春夏耕耘秋打禾祇有牧童閒得甚穩騎牛背唱山歌
清梁廉夫貴邑竹枝詞
窄袖藍衫錦帶圍同行女伴兩相依問他壓擔爲何事說是新娘買水歸 自注壓擔
謂追隨擔後郭西風俗娶婦三朝令婦女伴之出門挑水謂之買水
放下腰鎌力未疲喜邀同伴看跳師歸來薑豆休忘買留待明朝逐疫時 自注鄉俗
每值秋季扮方相打鼓唱歌謂之跳師次日沿門逐疫家家以黃豆薑絲茶果祀祖蓋
猶存儺之古俗云
清梁廉夫城廂竹枝詞

遙聞瓦鼓響壇壝知是良辰九九期三五成群携手往都言大社看跳師 自注重九日街墟尾大社跳師

元宵佳景約同儔社稷壇中喜共遊燈帶已稀無覓處不知還有幾人偷 自注社壇所掛花燈俱有帶元夜婦女潛來摘取謂之偷燈帶或自留存或送親友以為得子之兆

每逢佳節共傾觴滿室兒童喜欲狂獨有鴉鬢眠不得明朝早起接姑娘 自注節日

次晨家家俱遣婢接女歸謂之吃隔夜節 自注親事天然嘉耦好安排選壻東床事已諧說話檳榔先送去令他吃過莫相乖

已成未下定則先送紅檳一小盒謂之吃說話檳榔 清陳芝誥懷城四季竹枝詞

正月採青 漫誇燈火鬧元宵乘興頻將女伴邀採得青菜盈把一年清吉病全消 二月看炮 二月春風樂事稠社前簫鼓願同酬一聲轟烈驚天地僥倖何人得炮頭

三月觀會 風風雨雨洗塵埃道是元君接舅來趕赴明朝酒會新衫隔夜自安排 自注三月二十三為天后元君誕日前數日必有風雨俗稱天酒會新衫欲得子嗣

者預邀集女伴或數十人或數人或數人共組一會至誕期以燒猪果品等迎神特重雞蛋雞酒名鷄酒會以新得兒女者主之城內外約百餘會年中賽會以此為盛

四月作餠 作餠剛逢四月時閒尋百草到城隈風吹不動儂休採此是馮爺分付來 自注四月八日為敷佑伯馮三界神誕家家採取百草苗葉和米粉作藥餠謂食之可

貴縣志

卷二 社會節令

一三五

却病相傳馮三界留囑是日百卉皆可食惟風吹不動者不能食耳 五月染指 苦瓜佳節事堪傳染指爭教搗鳳仙更愛午時新浴後巧妝兒女看龍船

自注五月五日俗名苦瓜節以家家煮肉釀苦瓜以祀祖也是日午時婦女多搗鳳仙花染手甲以袪除不祥小兒女以香湯沐浴更衣妝飾後則赴河干看龍舟

六月曬衣 吹到薰風夏日長幾回檢點舊巾箱雲肩一幅偷曬羞聽人呼是嫁妝 自注俗有六月六曬衣服之諺雲肩即披肩凡新嫁娘必備之

七月送包 金銀衣紙共齊親自呼鬢送去歸包面數行和泪寫某門某女細標情 八月燒香 月滿中秋夜氣清笑陳瓜果結新盟香燒柚子誠心拜聯取金蘭姊妹情

自注中秋夜婦女於中庭陳瓜果招女伴拜嫦娥用柚子插香燃之撐竿上高及岑樓 九月開缸 秋風吹老菊花黃染布爭開藍靛缸夜半天清人語寂聲聲砧杵月中撞

自注俗尚自染布凡有靛缸者於寒露節後開染後用木杵搗之 十月釀酒 味備香甜勝四花頭冬美酒實堪誇也年過禮迎新婦十二鑊應送女家

自注立冬後釀酒名頭冬酒又酒有三花四花之目凡迎娶必用酒而以十二鑊為最多先一日合豬羊等物倩媒送女家曰過禮

十一月攔冬 惆悵新墳土未乾泉台冬至不勝寒一杯煖酒含愁奠淚落如珠不忍 彈 自注冬至前三日凡有新葬者必掃墓致祭曰攔冬

十二月守歲 搓罷團圓百子圓三更時候拜諸天相逢一笑齊恭喜兒女爭誇壓歲錢 自注除夕兒女多守歲長者賜銀錢與卑幼名為壓歲各家俱以糯米粉搓製食

品如蓮實大曰百子圓備元旦上供

娛樂

舊俗迷信未除以建醮賽會爲娛樂梁志載大醮會五年爲期名例醮多在城邑墟市舉行城邑則合數街爲一會客商自爲一會墟市商民共爲一會屆期構大棚廠火樹銀花梨園歌舞連宵達旦第三日首事肅衣冠至壇廟上香名進香玩龍燈舞獅子盛陳儀仗鼓樂導行第五日拜諸天神佛焚表章宰豬羊會飲稱聚福散醮每一醮期動費數千金少亦數百金

按大醮會清光緒季年後已不舉行其他賽會迎神演戲則關帝觀音天后龍母北府東嶽三界各廟宇昔日亦各有神會

民國十年以還縣城始建劇院但演劇非屬恆有公園新闢花木未盛且僻在一隅遊踪仍少其普徧者不過良辰歡聚膾鯉烹鮮家慶宴集

貴縣志

卷二

社會娛樂歌謠

一三六

以酒爲壽若逢暇日則或敲棋子或弄管絃朋儕之樂如斯而已

昔有所謂畫眉會者

以鬪畫眉鳥博勝負故名

爲興雖豪殆近於博未若會集少年延

師以習技擊寓娛樂於尙武之中爲足稱今冬夜恆聞伐鼓淵淵是卽四廂子弟趁歲晚餘閒以習武技者也技成則於春節或國慶舞獅於市衢競賽技擊

鄉農力田三時猶存舊俗其娛樂不外歲時伏臘祈穀報賽今神會之舉類同陳迹惟墟市釀資演劇間尙有之村居者或於秋穫之後新歲之初跳師搬演故事或舞獅習技擊亦不亞於城廂云

歌謠

縣屬歌謠有七言五言之別山歌操土音歌之句率七言韻在句末歌時末句之尾音延長而清婉歡則操撞音歌之句率五言第一第三句韻在句末第二第四句韻在句中舊志載西山有歌仙石厥狀如人對

坐相傳朗寧張秀才歌仙劉三妹酣歌化石於山巔按圖書集成職方典潯州府志部藝文二之五張爾翮撰劉三妹歌仙傳云世傳仙女劉三妹者一善歌之佳人也余不知其所由來癸卯清明日因訪友於西山楊氏路經山谷惟見春色撩人紅紫萬狀輕煙薄霧山突天平須臾入寨卽仙女寨遠盼山巔惟二石人偶坐中云仙女三妹係漢劉晨之裔其父尙義流寓斯土生三女長大妹次二妹亦善歌早適有家而歌不傳至少女三妹先於唐中宗神龍元年甫七歲卽好筆墨聰明敏達人呼爲女神童年十二能通經傳而善謳歌父老奇之偶指一物索歌頃刻立就不失音律爰是數百里之能歌者莫不聞風而來迭爲唱和或一日或二日卽罄腹結舌而走而歌仙之名遂由此而盛也又云朗陵白鶴鄉一少年秀才張偉望者聞歌仙之名而慕焉不辭跋涉登門叩訪禮尊賓主言談舉止皆以歌爲節又云登山頂偶坐而歌若出金

貴縣志

卷二

社會歌謠

一三七

石聲聞於天至七日望之則見其形而不聞其聲矣鄉人曰二人競歌已久可請下山乃遣數童登山以請而童子訝然報曰奇哉奇哉二人化石矣是雖近於神話而劉三妹善歌似可徵信其歌詞見池北偶談及府志歌云妹相思不作風流到幾時只見風吹花落地那見風吹花上枝妹相思妹有真心哥也知蜘蛛結網三江口水推不盡是真絲按三

江口距西山二十餘里屬水北里

大茶江歌

劉三姊秀才郎望見大茶江水茫茫過不得侵濕

幾多伶俐郎

按大茶江在西山附近殊砂村

藤纏樹歌 入山忽見藤纏樹出山又見樹纏藤樹死藤生纏到死樹生藤死死亦纏

牧歌 看牛好出門又得隻牛騎一日三餐白米飯落雨有人送蓑衣

宗教

附三界猯仙

佛教 慧能崛起大闡禪宗貴縣密邇曹溪早霑法雨夷考碑碣其衣鉢可紀者則肇自北宋善智禪師於端拱二年爲南山寺第一代住持歷禩傳燈皆有徵考至第十七代爲紹寬禪師於嘉定九年繼持七載上溯薪傳宗系昭然自第十八代至第二十三代其住持年月不復刊記自是之後嗣法代有其人惟歲月法號無考耳

南山寺有實音老和尚塔題曰臨濟正宗傳曹洞三十三世實音聞老和尚之塔萬壽寺新塑佛像并置供器碑記爲傳洞宗第三十三世當代住持弘法沙門福端撰此縣屬叢林派衍曹洞碑碣足徵者也惟僧鏡林言南山寺爲羅浮分派臨濟宗支歧說待考但按諸上述二碑疑曹洞先至臨濟繼傳

宋奉恕邑南山寺僧時章惇貶雷州過南山寺流連竟日與僧玩賞景物嘆曰夏雲多奇峯良不誣也奉恕諷以詩云如風如火復如綿飛過

貴縣志

卷二

社會宗教

一三八

微陰落檻前大地生靈枯欲死不成霖雨漫遮天按冷齋夜話奉恕作奉忠畧云章子厚謫海康過貴州南山寺寺有老僧奉忠蜀人也自眉山來欲渡海見東坡不及因病於此寺子厚宿山中邀與飲忠欣然從之又以蒸蛇勸之食忠舉筋噉之無疑子厚笑曰奉佛戒乃食蒸蛇忠曰相公愛人以德何必見誚已而倚檻看層雲子厚曰夏雲多奇峯真善比類忠曰曾記夏雲詩甚奇子厚使誦之忠誦之云云梁志或傳明建文帝爲僧寓南山寺最久又梁志載崇禎時兵科給事中錢塘金堡以直言忤旨廷杖遣戍遂削髮於貴縣南山寺名淡歸

民國二十二年冬邑人盛光庭李蘭軒以林進才函爲介向廣州陸無爲居士迎回舍利小銅塔一座高約二寸半底闊一寸塔底署欸九字舍利塔庚午春仁海造仁海爲白普仁尊者弟子塔中奉舍利一顆古勞古力丸一顆塔造於北平今供奉南廂樸園將別建塔於南山寺

按梵

語舍利此譯遺身蓋由行人戒定慧薰修凝成晶體物質也見金光明經

道教 道教有正一道教俗稱三茅山教道士皆屬火居之流民間齋醮祈禳咸延之比年改良風俗黃冠輩多已別營生業

基督教 舊派天主教清光緒初年傳入縣屬賃縣城民居稱道原書屋後在萬壽街建天主堂新派耶穌教傳入稍後民國十一年在城廂上柳社建福音堂附設熙心學校教育瞽童各墟市設立教堂者計大墟自清季迄今設立天主堂三所一在郭東二里大墟西門北街一在郭北音堂一所在郭東二里大墟泰安街橋墟三板橋天主堂清光緒初設立福音堂光緒季年設立龍山福音堂三塘長興村天主堂橫嶺岑里村天主堂木格墟宣道會木格分會皆民國初年設立山東石龍墟福音堂民國十三年設立東津信愛會福音堂民國二十二年設立覃塘天主堂民國十二年建信愛會福音堂民國二十年設立

貴縣志

卷二

社會

宗教

附三界獠仙

二二九

清季教民或託庇外人陵轍良善作奸犯科苟拘訊教士輒出而抗議以是地方官吏幾不敢顧問逮民國此風已衰

附教案

清光緒八年法圖越南貴縣知縣焦肇駿奉檄招募壯丁以李亞英主其事九月亞英集合數百人羣趨橋墟三板橋搗毀天主堂並縛去司鐸等事發外人抗議乃釋歸清光緒二十八年陳景華知縣事性嗜殺邑人呼之爲陳不問團紳滕致祥奉諭查緝匪類解縣中有天主教徒一景華駢戮之法國教士四品頂戴管理潯梧教務周懷仁電巡撫王之春抗議之春嚴令查辦景華巧避處分以擅殺教民罪誘諸致祥械繫解府致祥冤死

附三界獠仙

明馮克利邑人嘗採藥北山遇八仙對奕得仙衣一襲無線縫痕至家則子孫易世矣有某官以克利與僕馮遠覆於洪鐘內架薪焚之及啟視克利閉目端坐馮遠已化灰燼其後克利羽化於蒼梧江口表聞敕封三界敷佑伯今香火徧於嶺表敕封昭顯靈感敷佑伯梁志參李志明馮都長邑人克利裔谷之子緣仙衣之傳得道邑人並祀之

清馮吉邑人克利九世孫字汝康能書符制虎康熙庚子仙去鄉人並

塑三像以祀據李

清貴縣知縣裘彬三界履歷記
夫有功德於民能禦大災捍大患者朝廷崇其封號錫以馨香草野固紛紛祀之矣粵
西三界廟所在有之而蒼梧城南對岸之廟為三界羽化處其間多青蛇神龜三江舟
楫往來者皆辦香善頌禱相傳以為水神也余竊疑之然欲考其出處而不可得乙
酉歲奉檄調知貴縣事署街北有三界祠堂其裔孫奉祀事廬處在焉方喜余所蒞
卽神所處地也閱縣志及其家乘載三界姓馮氏諱克利邳隆其字也其先固浙人居
山陰東湖村祖前明成化舉人字龍泉隨總督兩廣韓雍至粵為記室韓雍奉命征安
南辟之偕行卒於東壘村次乃卜葬村之黃崗嶺考字元亮廬墓三年遷居城遂流寓
於貴縣生三界時弘治軼其年四月八日也三界生而有異相好讀書參禪人多奇之
嘉靖七年新建伯王守仁總督兩廣奉命征藤峽獠賊聘贊軍謀是役也成功之速賴
其策畫之力為多軍士凱撤三界亦辭歸貴陽迨王公復奉征田州土蠻之命再往聘
焉而三界已不復出隱於邑之北山遇仙授無縫天衣雲遊得道征安南右都御史毛
伯溫聞諸朝敕封遊天得道三界聖爺後羽化於蒼梧都人士於其地祀之咸資庇佑
洵乎禦災捍患功德及民者也歷奉我宣宗成皇帝敕敷佑伯文宗顯皇帝加封昭
顯穆宗毅皇帝加封靈感恩綸疊沛非神之為靈昭昭何克至此乃知三界不獨水神

貴縣志

卷二

社會宗教附三界獠他

一四〇

而如水之無地不往也前此疑釋然矣壬辰大吏署篆富川謁城東及對岸三界廟見
夫龕中三像者心頗異之然未具論其非明年夏四月為三界誕土人演劇觀者如堵
余詣廟拈香父老環而告余曰三界吾土之靈神也曾戰陣助靈遇早澇祈禱立應誠
一方庇護惜不知三界為何許人耳余乃辯三界之訛而述其生平履歷不禁而有感
焉且夫為牧令者與民形體相類言語相通有一善足稱民必樂而道之今不牧令之
是道而為神之道非牧令之恩德不足以及人神之惠愛入人者深歟宜其封號之
崇而馨香之不替也爰書此為之記云

居思娥隱邑之居思巖其間靈果紛敷食之五蘊空明人或問其姓氏
則曰居思娥世稱之為獠仙李

社團

育嬰堂在城內北門街經亂久圯舊志失載今闢為菜圃以租金充城
廂水車局經費攷近在故址所得殘碑育嬰堂原在東郊清乾隆間廢
其租穀均籍入官碑文有云撫憲蘇牌行府州縣屬舉行應翹等會議
又云因先自捐俸由此可知後因奉巡撫諭飭遂由官吏捐俸為倡重
建於此

養濟院爲救濟瞽者而設院址原在縣城東門外後移南門外乾隆三年知縣朱士鈺重建今遷西門內同治六年知縣薩畢圖重建志駐院瞽目男婦四十名向由縣署以養濟院存欸銀一千零一十三元生息按月以息金發給口糧

中美浸愛醫院民國十二年縣人陳蕃誥等與美國教士合設借西街怡園爲院址贈醫藥以惠貧民旋停辦

廣福醫社民國二十年粵東會館同人以會館戲臺改建聘中西醫士駐社贈醫

博愛堂在城內萬壽街民國二十二年天主堂設立有女醫士二人駐堂贈醫

裕遠堂清乾隆間創設於覃塘墟會員三十餘人縣城慈善堂民國二十一年縣人盛光庭原子超等創立會員四十餘人皆爲檢埋暴露骸

貴縣志

卷二 社會社團

一四一

骨而設

惜字會清光緒丙子年會員三百二十四人捐資創設租產有瓦舖一間在城內東門街坐南向北連深四進後進較寬左鄰區姓右鄰簡姓每年收租雇工收檢字紙志

清陳瑤惜字會序

夫結繩風古羲皇開一畫之先雨粟祥凝蒼聖肇八觚之體磨銜龜負洩精蘊於埏瀛
鳥蹟蟲書蔚人文於今昔以彰慧業以察烝民固宜貴匹鼎彝珍俸圭璧矣然而丹文
綠字鄴架富而蠹殘玉策珠編陸廚塵而鼠齧抽中山毫以繡虎擘刻溪紙以塗鴉遺
帙化作雲煙偶無心於拋擲新著響如金石亦歷時而銷沈西抹東塗古今同慨甚至
市招社帖幾經剝蝕雨風碎瓦零磁半有鐫銘姓氏芸館寫臆紗之雅多界破於奚童
蘭閨剪花樣之新誤裏包於爨婢棄如委土賤等覆甌恆教蹂躪輪蹶竟爾隨漂藩溷
褻瀆聖賢之澤乖違陰隲之文獲譴罹灾于斯爲甚驚心觸目莫不謂然僕東髮受書
詎辨弄麈伏獵捉腕仿畫莫分焉馬魯魚今者六書久蕪一官未去空搽羅乎群籍徒
撫拾夫浮詞而文苑英豪故園裙屐歎縹緲之散佚悼珠玉之飄零雅訂同人會謀惜
字藉硯田爲種植洵翰墨之因錄爰集衆擎共襄善舉裘裘成集腋科來月會之錢炊待
拾携收遍里衢之迹埋禿管一十八甕塵垢永離設鑄金三十六鑪藜然普照庶幾登

科織記文光射斗牛之墟延壽垂銘吉語鏤漢魚之洗廣茲大德議立新規如荷分金
請登左册看此日同心同德時誇同道之相謀願他年文子文孫世守文章其勿替

貴縣教育會以縣城廢訓導署爲會址民國初年成立

貴縣商會附設縣城粵東會館清宣統元年各同業公會會員及商人組織成立初爲會長制民國十七年改委員制今舉辦商團維持市面治安他如組織鄉農民協會店員理髮車衣等工會民國十六七年間爲數不下數十旋均停頓

中國紅十字會貴縣分會籌備處民國二十年成立於縣城大南門城樓設救生治療所初民國十九年春地方將有戰事始設南寧分會分辦事處迨分辦事處結束遂改設貴縣分會籌備處

貴縣慈善救火會附設於廣福醫社民國二十一年由貴縣商會組織成立置救火機設消防隊以防火災城廂各水車局自清季以來即已陸續成立皆附設於祠宇諸處由各廂人主辦此種消防組織各墟市

貴縣志

卷二 社會社團

一四二

亦多有之

風俗改良會息訟會均近年設立未幾廢

老人會又名長春會蓋爲鄉鄰遭喪互助而設今山東石龍橋墟東津等處皆有之會員若干人每次各認納會金若干孰先遭喪即釀金以助於是更番爲之必俟會員俱得用會金一次而後已覃塘木格山東石龍等處別有婚嫁會則爲集資互助婚嫁者或會員以十人爲率則稱十友會

儉德會民國二十一年龔雨庭倡設會員數十人會址在郭西里桐嶺村揭櫫慶吊禮物純用國貨席設六簋葷二素四婚嫁喪祭皆如之